

衛生家寶產科備要卷第五

產科雜方

催生如聖散此壹方廬江劉寶助教經効名方

黃蜀葵花不拘多少

右壹味焙乾為細末每服貳錢熟湯放溫調下神妙或有漏血胎  
臟乾澁難產痛劇者併進叁服良久腹中氣寬胎滑即時產下如  
無花只用黃蜀葵子爛研小半合以酒調濾去滓溫飲尤佳

救生散安胎益氣易產

人參

去蘆  
切片

訶子

濕紙裹煨  
熟去核

白朮

剉炒  
黃

陳橘皮

去白

炒

大麥蘖

炒黃

神麴

細剉炒  
黃色

各半兩

右為細末每服貳錢水壹盞煎陸分溫服入月加壹倍用水貳盞  
煎壹盞溫溫空心服之能令兒緊小乳母無患



單胎散治婦人妊娠傷寒遍身大熱悶亂躁渴痰甚則蒸損胎臟  
廬江劉寶助教名方

捲荷葉壹兩

嫩者焙乾秤

蚌粉花半兩

好細白者秤

右為細末入粉研勻每服貳錢以新汲水用蜜調日進兩服

二聖散產前安胎產後治惡血不盡及胎衣不下

羌活

洗去苗剉

川芎

洗剉

右等分為細末每服貳大錢酒少許水茶分煎茶沸溫服

羌活散治妊娠患時疾

羌活

去苗剉碎

荊芥穗

不見火燉

赤茯苓

去皮剉碎

川芎

洗剉焙

宣州乾葛

剉焙

陳皮

去穢剉

甘草

炙剉

川升麻

剉

各壹兩

右為細末每服叁錢水壹盞半入生薑伍片薄荷拾葉同煎至壹



南京

大學圖書館

盞稍熟服不以時候

黃金散治妊娠患時疾

黃芩

火如錐者

鬱金

剉各壹兩

右為末每服壹錢板藍根地黃水調下汗出効未得汗再服即瘥又用雞卵墜并至泥隔宿取出吞之必無虞矣

薑粉散纔產服此藥蕩盡兒枕除百病源

當歸

洗去蘆須切焙

官桂

去皮不見火

人參

去蘆切片

茯苓

白者去黑

皮

甘草

炙芍藥洗淨

知母

潤者切炒

川芎

洗

大黃

畧炒

黃耆

蜜炙

木香

不見火

草豆蔻

去殼

白朮

剉焙

訶子

煨熟去核

高良薑

剉炒

青橘皮

去穰

熟乾地黃

洗酒浸焙

右除地黃外各等分剉焙乾次用附子壹個結實半兩者炮裂去



南京中醫藥大學圖書館

皮臍切生薑壹斤研取自然汁於碗器中停留壹食久傾去清汁  
取下面粉脚攤在弱葉中入焙籠焙乾同衆藥搗羅為末纔產後  
用藥末叁錢水壹盞薑叁片棗子壹個擘開同煎至柒分乘熱喫  
如喫藥之後自然產母睡着半日以來睡覺再服全除卻腹痛壹  
日只可叁服至玖服不可服恐肚中冷也

香蓮散治產後咳逆

石蓮拾個

炒熟

丁香拾個

右為末用水叁合煎拾沸溫服

地黄散治產後血痛如刀刺

熟乾地黄

洗酒  
浸焙

橘皮

去白  
剉焙

右件等分為末每服壹錢粥飲調下尋常痛發可常服

香脂散治產後吐逆不止

狗膽壹個

硃砂

丁香

五靈脂各少許

右為末以狗膽圓如白豆大每服壹圓生薑水磨下

血竭散治產後百疾廬江劉寶助教名方

血竭

沒藥剪破

右等分輕手研細頻羅再研取盡為度每服貳錢用小便令和細酒半大盞煎壹貳沸溫調下纔產下壹服上床良久再服其惡血自循下行更不衝生免生百疾

產後發熱名曰褥勞用猪腰子作粥治之猪腰子壹隻去白膜薄切作柳葉片子少鹽酒拌之先用硬米壹合入葱椒煮粥鹽醋調和將腰子鋪碗底用熟粥蓋之如作盒生粥狀喫之每日空心做喫極妙

十八論中治產前後患蒲黃黑神散功效

第一產因熱疾胎死腹中胎死身即冷口角沫出爪甲青黑色四肢



中医药大学图书馆藏

逆冷但服此藥煖其死胎須臾自出

第二難產或橫生逆生胎衣不下此藥並治

第三產後衣不下但服此藥逐出衣中血遂自出如衣帶斷亦同

第四血暈醫人不識呼為暗風但服此藥立瘥

第五口乾心悶醫人呼為胸膈不利此名血結但服此藥立瘥

第六乍寒乍熱醫人不識呼為瘧疾但服此藥立瘥

第七產後四肢虛腫醫人不識呼為水氣蓋血氣隔四肢寒但先服

此藥立瘥後服轉藥瀉了惡物轉藥為之黑神圓

第八產後乍見神鬼醫人不識呼為風邪但服此藥即瘥

第九產後月內不語但服此藥即瘥

第十產後腹痛兼瀉痢急服此藥後服調中湯

調中湯是止瀉石  
散出產乳經中

第十一產後遍身疼痛但服此藥瘥

第十二產後小便出血大便秘澁人多作五淋治不愈但服此藥癢  
第十三產後血崩謂惡露未盡久不治之及食鹽酸所致若腹似痛  
時稍難治肝家熱背筋急急服此藥後服黑神圓癢

第十四產後血氣不通上氣喘咳多睡謂滿月後月脈未通食熱麵  
壅結成疾或有氣塊發時衝心心痛氣急咳嗽四肢無力乍汗出  
心痛月候不來名曰敗癥腹痛繞臍面赤宜服此藥即癢

第十五產後心腹脹滿嘔逆不定醫呼為翻胃不愈急服此藥吐出  
胃中惡物即癢

第十六產後口鼻黑色氣起及鼻衄不治

第十七產後喉中氣急喘不治

第十八產後中風為無故下牀百日之內傷房室或因著灸有驚臟  
腑中風之時眼澁腰背筋急角弓反張牙關閉定不可治也

蒲黃黑神散方已見第一論末

黑神圓方已見第十二論末

產前後十八論烏金散

婦人萬病皆因血氣而生就中產後乖違誠難救療百日之內變證尤多或坐即運絕卧即口乾經日多言還應心悶或傷熱食變作崩中飲冷服涼便成腰痛敗血入腹則脅脹虛鳴惡露上衝乃或嘔逆脾之受血發則傷寒肝氣有邪即多嗔怒肺之被撓氣悶喘麓胃臟未安多為腹脹敗血流走百節酸痛留滯四肢皮膚俱腫失音不語還因敗血入心散為淋瀝亦是血之入腹大抵虛弱積血所為三焦不調衆疾皆起每尋方卷多不會解就中產前產後之圖難全真訣當貧困之輩或居村中念其急難方當思慮魂勞神悶不知所裁忽見一人形兒非常乃言曰余有秘術子其知乎不覺惕然瞻敬之際復



曰子請存於誠信心欲救人事當甚喜吾有產後一術名曰烏金方  
受於子宜保惜之余即跪受要旨頓覺精神爽易事理昭覺在寤中  
神授乃依方修合普詣神願遂成產後十八方如後

### 第一論問胎死腹中者何

荅曰緣母患染熱疾經六七日間臟腑極熱蒸薰其胎是以子死  
何以知之身死便冷不居子宮乃墜臍下冷痛口角沫出腹冷爪  
甲青四肢逆冷命在須臾但以此三服令胎熱須臾自下

### 第二論問產難者何

荅曰兒已成形每食母之血候十月當足月血有餘乃結成塊俗  
呼為兒枕子欲生時兒枕先破為敗血散裹子身上固當難產但  
服此散三服敗血即散須臾自產或逆產其體不同悉皆治之

### 第三論問胎衣不下者何

答曰產訖敗血流入胞衣中被血脹固當難下但服此散夜中血散須臾自出若胞衣帶斷亦宜服此散即下

第四論問血暈產後三日起止不得眼前自見鬼神或悶絕不識人者何

答曰產後三日血氣未安運走五臟奔於肺上時人不識呼為暗風以此治之萬無一瘥但服此藥立可安痊

第五論問口乾心悶及煩渴者何

答曰產後七日以來血氣未定蓋為食於熱麵與血結在心即渴時人呼為胸膈壅悶若以此治萬無一瘥但服此散立瘥

第六論問產後乍寒乍熱及渴者何

答曰產後虛羸敗血入於肺則熱入於脾則寒乃渴時人不識呼為瘥疾若以此治萬無一瘥服此散立瘥

第七論問產後四肢浮腫及寒熱者何

答曰敗血流入五臟將滿即四肢停留日久卻還不得乃欲為腫時人不識呼為水腫且如水腫與血腫不同何以明之水氣喘而小便澁血氣渴而四肢寒先服此散次服宣元瀉下惡物自瘥宣元是黑神圓

第八論問言語顛狂無度若見鬼神或寒熱及渴者何

答曰產後敗血衝心心不受邪觸被敗血蒸薰心悶蒸熱煩渴至躁言語顛狂時人不識以為風及神邪所致若以此治之萬無一痊但服此散愈

第九論問產後不語者何

答曰夫人心有七孔三毛產後敗血上行流入心孔之中被血閉之即使不語時人不先去心孔敗血其病不除但服此藥當漸語

也

第十論問產後腹痛及痢者何

答曰產後未滿月間誤飲冷水水與血相和流入大腸大腸受之血遂成病水穀不化或泄或脹膿血不定急服此散次服調中湯立効

第十一論問產後遍身疼痛者何

答曰產後百節開張敗血流入四肢留滯日久不散結聚虛脹是致疼痛但服此散遂去百節間敗血須臾自定

第十二論問產後瘀血及小便赤澁大腸痛者何

答曰敗血流入小腸閉卻水道即小便艱澁流入大腸閉卻肛門是致大小便俱難醫人不識呼為五淋治之萬無一痊但服此散次服黑神圓聚結物出其病立愈

或用洪氏方中排膿內補散依方服立効



第十三論問產後崩中者何

荅曰敗血惡露未止日久或食鹹酸之物遂變崩中血結變黑狀似雞肝或時寒熱背膊拘急煩悶名曰崩中宜先服此散次服黑神圓即安

第十四論問產後血氣不調道路閉塞兼咳嗽多驚者何

荅曰產後滿月後月經未還不能謹忌好食熱麵遂即成疾積聚結塊發即氣急咳嗽四肢寒熱心悶口乾背膊拘急煩躁夜夢驚悸體全無力多汗心疼月經不來名為血癥腹痛多睡面色多赤因茲不療遂成骨蒸治須子細看此疾狀或服別藥十無一應終不得瘥只服此藥其患自退

第十五論問肚腹脹滿吐逆者何

荅曰產後敗血停於脾胃之間氣遂相衝不定即留滯嘔逆胸脇

俱脹時人不識呼為翻胃以此治之萬無一存急服此藥吐出胃中惡物即便喫粥

第十六論曰產後口鼻黑色及鼻衄者何

荅曰敗血傳入臟腑臟腑既滿衝於頭面卻還不得焦乾白黑見於面色衝於鼻即鼻衄黑起緣產後虛熱甚變成此狀若別治之萬不得一此名心肺敗血宜服此藥

第十七論問產後喘急喉中如貓兒聲者何

荅曰敗血衝入心肺氣與血併遂結為塊入於喉中如有此狀急服此藥

第十八論問產後中風兼有黑血點者何

荅曰產後七日內下牀衝風百日內傷房勞或有灸瘡中風取性慢易即中風也初中之狀氣澁腰痛筋急如角弓反張牙關緊急

若有此狀即是風邪所入或面色黑遍身赤黑敗血流入臟腑臟腑皆滿流入皮膚退反不得變成血點或得此變急服此藥無有不瘥

### 宣經圓

巴豆拾五粒

去皮心膜用生絹袋子盛以灰汁煮十餘沸取出研紙壓油子重研

右件先用烏金散叁錢以無灰酒調似糖入甕瓶中於重湯內熬成膏入巴豆末同和為圓如茱豆大熟水下拾伍圓宣了冷粥補之忌毒物

### 烏金散

頭髮灰

男子者不須洗燒灰

鯉魚鱗

燒灰

當歸

焙去蘆須

延胡

索生用

好墨

煨過

肉桂

不見火去麤皮

麒麟竭

赤

芍藥

剉

百草霜

是鍋底刮下者煤



右件玖味等分杵羅為末每服式錢溫酒調下又用童子小便半盞生薑壹塊同煎調下入麝香少許更妙

產前所忌藥物盧醫周鼎集以為歌

虻斑水蛭地膽蟲

烏頭附子配天雄

躑躅野葛蜈蚣類

烏喙側子及蝨蟲

牛黃水銀并巴豆

大戟蛇退共蜈蚣

牛膝藜蘆加薏苡

金石錫粉對雌雄

牙朴芒硝牡丹桂

蜥蜴飛生更蟪

代赭蚱蟬胡粉麝

芫花薇銜草三稜

槐子牽牛并皂角

桃子蟾蜍和茅根

欖根硃砂與乾漆

亭長溲疏茵草中

瞿麥蘭茹蟹爪甲

蝟皮鬼箭赤頭紅

馬刀石蠹衣魚等

半夏天南通草同

乾薑蒜鷄及鴨子

驢馬兔肉不須供

切忌婦人產前用

此歌宜記在心胸

衛生家寶產科備要卷第五

衛生家寶產科備要卷第六

備產濟用方序

婦人產褥之事一有蹉跌為害不細若因而受疾又非尋常疾病之比氣血既虛更難政治是宜昔人所留意而不敢忽者也予性喜方藥偶得產方甚多蓋嘗用以取効焉今錄其所得之方及平時所聞之說與夫疾證用藥次第共為一書以濟人之急難初虞世嘗謂婦人生產須使之自能通曉方為盡善斯乃至論然間有素無產難之家不知出於偶然心常易之不以介意故緩急之際至於產婦已困而家人未悟者往往有之此幸其無事則可非萬全之道也紹興庚申重陽日三吳外士餘杭虞流書虞氏備產濟用方

妊娠

婦人妊娠之後或觸冒風冷或飲食不節或居處失宜或勞動過當